

Presentacion di e coleccion di poema Nos Rosa, skirbi pa Sonia Ruiz



Ety Croes cu e cuadro titula "Símbolo" di e pintor pa sr. Hubert "Lio" Booi y Mirto Lacle cu e obra "Sapate na bo sapatu" di R. Römer.

Den cuadro di clausura di celebracion di 25 aña Status Aparte, Instituto Pedagógico Arubano (IPA), Biblioteca Nacional Aruba(BNA) y Sonia Ruiz, e autora di e coleccion di poema *Nos Rosa*, a pone man na obra pa organisa un anochi tematico. E organisador y gestor cultural, Mirto Lacle, a duna un introduccion di e termino y simbolo di rosa.

Astrid Britten, directora di BNA a felicita Sonia Ruiz cu presentacion di su tomo di poema *Nos Rosa*. Mikayla Ruiz a recita e poema saca for di *Nos Rosa*, 'Pa e popchi Mikayla'. Lidwina Booi a interpreta y toca e cancion 'Motivos' di Italo Pizolante. Sharon Rose a splica origen di su nomber 'Sharon Rose' y a interpreta e cancion 'The Rose' di Bette Midler. Rosabelle Illes a recita y a elabora riba su composicion propio 'To plant a seed...' y a conta algun anecdota relaciona cu su nomber Rosabelle.

A pasa un documentario den cual Hubert (Lio) Booi a duna splicacion di e pintura titula

'Símbolo'. Dicho pintura ta un rosa cu el a pinta inspira pa y dedica na su señora Flora. Digna Herrera Lacle ta versa su opinion encunto e forma poetica hapones, haiku, y ta splica 4 haiku cu el a compone riba e tema rosa. Harry Zimmerman, e cantautor di Corsou residencia na Aruba, a deleita e publico cu splicacion di diferente Rosa cu el a conoce. Tambe el a interpreta un composicion propio di

'Rosa di Zjazjumbein'. Acompaña pa Lidwina Booi riba guitarra, Harry a canta e cancion 'Na caminda di Santa Rosa' di Rudy Plaate.

Sonia Ruiz a haci entrega di su obra na e organisadornan y colaboradornan y el a dedica algun palabra di gratitud y a ofrece un rosa obsequia pa Jardin Caribe. Pa e exito Sonia a brinda cu Rosé pa cortesía Romar Trading, ofreci den kelki di Ideal Party Center. Orchid Spa a rifa algun tratamiento cosmetico.

Tin autor cu tin mester di apenas algun pagina pa keda eternisa. E poema *Aruba, e perla den mi bida*, skirbi pa e Arubiano Sonia Ruiz lo eternis'e como compositor di e poema aki. Esaki na prome luga ya cu ta trata di un poema visionario, skirbi na aña 1985, bispo di nacemento di pais Aruba.

Cu tur repet, aprecio y balor, no obstante dudanan eroneo di otro, Sonia ta rindi testimonio di fusion eterno y inseparabel di Sonia Ruiz y Aruba, su isla natal.



Sra. Shirley Farro a hasi entrega di e obra "Remedinan di Tera" di Grupo Uni di Noord na Sra. Astrid Britten directora di Biblioteca Nacional Aruba.



Juby Naar y Harry Zimmerman



Hubert "Lio" Booi, Lidwina Booi, Harry Zimmerman, Sonia Ruiz, Mikayla Ruiz, Astrid Britten, Rosabelle Illes, Ella Tromp-Yarzagaray, Mirto Lacle, Digna Lacle-Herrera (sinta). Tur cu e obra "Nos Rosa" obsequia pa e autora Sonia Ruiz.



Lidwina Booi, Hubert "Lio" Booi, Sharon Rose, Mikayla Ruiz, Marcia Carilho, Mirto Lacle, Sonia Ruiz, Rosabelle Illes, Ella Tromp-Yarzagaray, Digna Lacle-Herrera (sinta)